

UPUTSTVO ZA PACIJENTA

BRONCHOSTOP Sine sirup protiv kašlja

(0,12 g + 0,83 g)/15 ml, sirup

Suhi ekstrakt timijana, tečni ekstrakt korijena bijelog šljeza

Pažljivo pročitajte ovo uputstvo prije nego počnete koristiti ovaj lijek jer sadrži važne informacije za Vas.

Uvijek koristite ovaj lijek tačno kako je opisano u ovom uputstvu ili kako Vam je ljekar, ili farmaceut propisao.

- Sačuvajte ovo uputstvo. Možda ćete ga kasnije trebati ponovo pročitati.
- Ako trebate dodatne informacije ili savjet, obratite se svom farmaceutu.
- Ako primijetite bilo koju nuspojavu, potrebno je obavijestiti ljekara ili farmaceuta. To uključuje i svaku moguću nuspojavu koja nije navedena u ovom uputstvu. Pogledajte dio 4.
- Obavezno se obratite ljekaru ako se ne osjećate bolje ili ako se osjećate lošije nakon 5 dana.

Šta se nalazi u ovom uputstvu:

1. Šta je *BRONCHOSTOP Sine sirup protiv kašlja* i za šta se koristi
2. Šta morate znati prije nego počnete uzimati *BRONCHOSTOP Sine sirup protiv kašlja*
3. Kako uzimati *BRONCHOSTOP Sinesirup protiv kašlja*
4. Moguće nuspojave
5. Kako čuvati *BRONCHOSTOP Sine sirup protiv kašlja*
6. Sadržaj pakovanja i druge informacije

1. Šta je *BRONCHOSTOP Sine sirup protiv kašlja* i za šta se koristi

Tradicionalni biljni lijek koji se koristi za ublažavanje nadražene sluznice grla i podsticanje iskašljavanja postojane, viskozne sluzi kod kašlja nastalog usljed prehlade.

Upotreba tradicionalnog biljnog lijeka kod naznačenih indikacija isključivo se temelji na iskustvu dugogodišnje primjene.

Ovaj lijek indiciran je za primjenu kod odraslih, adolescenata i djece od 2 godine starosti.

Obavezno se obratite ljekaru ako se ne osjećate bolje ili ako se osjećate lošije nakon 5 dana m ljekaru

2. Šta morate znati prije nego počnete uzimati *BRONCHOSTOP Sine sirup protiv kašlja*

Nemojte uzimati *BRONCHOSTOP Sine sirup protiv kašlja* ako ste alergični (preosjetljivi) na herbu timijana, korijen bijelog šljeza, druge biljke iz porodice *Lamiaceae* ili na bilo koji drugi sastojak ovog lijeka (naveden u dijelu 6).

Upozorenja i mjere opreza

Porazgovarajte sa svojim ljekarom ili farmaceutom prije uzimanja *BRONCHOSTOP sine sirupa protiv kašlja*.

- ako imate astmu.
BRONCHOSTOP sine sirup protiv kašlja može pogoršati simptome astme.
- Ukoliko ste skloni alergijskim reakcijama.
Ovaj lijek može izazvati alergijske reakcije, koje u vrlo rijetkim slučajevima mogu biti ozbiljne (anafilaksa, anafilaktički šok).

U slučaju pojave groznice, otežanog disanja ili gnojnog iscjetka, obratite se ljekaru.

Djeca:

Ne preporučuje se upotreba kod djece mlađe od 2 godine zbog nedostatka podataka i zato što je potrebno zatražiti savjet ljekara. Za kašalj kod djece mlađe od 2 godine treba konsultovati ljekara kako bi se isključila ozbiljna bolest

Drugi lijekovi i *BRONCHOSTOP Sine sirup protiv kašlja*

Obavijestite svog ljekara ili farmaceuta ako uzimate ili ste nedavno uzimali ili biste mogli uzimati bilo koje druge lijekove.

Unos istovremeno primjenjenih lijekova može biti odložen. Kao mjera predostrožnosti, lijek se ne smije uzimati ½ do 1 sat prije ili poslije uzimanja drugih lijekova

Nisu sprovedene studije interakcije. Za sada nisu poznate interakcije sa drugim lijekovima

Trudnoća i dojenje

Ako ste trudni ili dojite, mislite da ste trudni ili planirate trudnoću, obratite se svom ljekaru ili farmaceutu za savjet prije uzimanja ovog lijeka.

U nedostatku podataka, korištenje tokom trudnoće i dojenja se ne preporučuje.

Upravljanje vozilima i mašinama

Nisu provedene studije o uticaju lijeka na sposobnost upravljanja vozilima i rada na mašinama.

***BRONCHOSTOP Sine sirup protiv kašlja* sadrži koncentrovani sok maline koji sadrži saharozu, glukozu i fruktozu.**

Ovaj lijek sadrži 66 mg fruktoze u svakih 15 ml.

Ako vam je ljekar rekao da Vi (ili vaše dijete) imate intoleranciju (ne podnosite) na neke šećere, ili ako vam je dijagnosticirana nasljedna intolerancija fruktoze (en. hereditary fructose intolerance, HFI), rijetki genetski poremećaj kod kojeg osoba ne može razgraditi fruktozu, posavjetujte se sa ljekarom prije nego Vi (ili vaše dijete) uzimate (uzme) ili primite (primi) ovaj lijek.

***BRONCHOSTOP Sine sirup protiv kašlja* sadrži propilenglikol.**

Ovaj lijek sadrži 38,9 mg propilenglikola u svakih 15 ml.

BRONCHOSTOP Sine sirup protiv kašlja kao konzervanse **sadrži metil-4-hidroksibenzoat i propil – 4 hidroksibenzoat**. Mogu izazvati alergijske reakcije koje mogu biti i odgođene (vidjeti dio “Nemojte uzimati *BRONCHOSTOP Sine sirup protiv kašlja*”).

BRONCHOSTOP Sine sirup protiv kašlja sadrži natrij.

Ovaj lijek sadrži manje od 1 mmol natrija (23 mg) po dozi od 15 ml, odnosno u osnovi ne sadrži natrij.

3. Kako uzimati *BRONCHOSTOP Sine sirup protiv kašlja*

Uvijek uzimajte ovaj lijek tačno onako kako je opisano u ovom uputstvu, ili kako Vam je rekao Vaš ljekar ili farmaceut. Ako niste sigurni, provjerite sa svojim ljekarom ili farmaceutom.

Preporučeno doziranje je:

Odrasli i adolescenti u dobi iznad 12 godina starosti:

15 ml svaka 3 do 4 sata (4 do 6 puta dnevno; maksimalna dnevna doza je do 90 ml)

Djeca u dobi između 4 – 11 godina:

7,5 ml svaka 3 do 4 sata (4 do 6 puta dnevno; maksimalna dnevna doza je do 45 ml)

Djeca u dobi između 2 - 3 godine:

Nakon konsultacije sa ljekarom, može se primijeniti 7,5 ml svaka 3 do 4 sata (4 do 6 puta dnevno; maksimalna dnevna doza je do 45 ml).

Djeca u dobi ispod 2 godine starosti:

Ne preporučuje se upotreba kod djece mlađe od 2 godine zbog nedostatka podataka i bez prethodne konsultacije sa ljekarom.

Način primjene

Za oralnu primjenu.

BRONCHOSTOP sirup protiv kašlja uzmite nerazrijeđen, stavljajući gore navedenu dozu u dozirnu čašicu koja ima skalu od 2,5 ml do 20 ml.

Po potrebi, *BRONCHOSTOP sine sirup protiv kašlja* se može uzeti i rastvoren u vodi ili toplom čaju.

Trajanje primjene

Morate se posavjetovati sa ljekarom ako nakon 5 dana primjene ne osjećate poboljšanje ili se vaši simptomi pogoršaju

Ako uzmete više *BRONCHOSTOP Sine sirupa protiv kašlja* nego što ste trebali

Nijedan slučaj predoziranja nije prijavljen

Ako ste zaboravili uzeti *BRONCHOSTOP Sine sirup protiv kašlja*

Nemojte uzimati dvostruku dozu da nadoknadite zaboravljenu dozu.

Ako u vezi sa primjenom ovog lijeka imate još pitanja, obratite se vašem ljekaru ili farmaceutu.

Moguće nuspojave

Kao i drugi lijekovi, ovaj lijek može uzrokovati nuspojave, iako se one neće javiti kod svakoga.

Učestalost sljedećih nuspojava nije poznata (učestalost se ne može procijeniti iz dostupnih podataka).

Ovaj lijek može uzrokovati sljedeće ozbiljne alergijske reakcije. Ako osjetite bilo koje od sljedećih efekata, prestanite uzimati lijek i potražite hitnu medicinsku pomoć:

- simptomi koji mogu uključivati vrtoglavicu ili nesvjesticu, otežano disanje ili piskanje, ubrzan rad srca, osip na koži, zbunjenost i anksioznost ili gubitak svijesti (anafilaktička reakcija) oticanje lica, usana, jezika, usta ili grla (angioedem),
- pojava plikova u ustima i grlu
- otežano disanje (uključujući kratak dah)

Ostale moguće nuspojave

Ako bilo koja od sljedećih nuspojava postane ozbiljna ili vas zabrinjava, ili primijetite bilo koju drugu nuspojavu, prestanite uzimati lijek i potražite savjet ljekara što je prije moguće: Alergijske reakcije na koži uključujući urtikariju (crvene kvрге na koži) i svrbež.

Gastrointestinalni poremećaji kao što su bol ili nelagoda u trbuhu, proljev, povraćanje i mučnina.

Prijavlјivanje sumnje na nuspojave lijeka

U slučaju bilo kakvih neželjenih reakcija nakon primjene lijeka, potrebno je obavijestiti Vašeg ljekara ili farmaceuta. Ovo podrazumijeva sve moguće neželjene reakcije koje nisu navedene u ovom uputstvu o lijeku, kao i one koje jesu.

5. Kako čuvati *BRONCHOSTOP Sine sirup protiv kašlja*

Čuvati na temperaturi do 25°C.

Bočicu čuvajte u originalnom pakovanju kako bi sadržaj zaštitili od svjetlosti.

Nakon upotrebe čvrsto zatvorite bočicu.

Ovaj lijek čuvajte izvan dohvata i vidokruga djece.

Nemojte koristiti ovaj lijek nakon isteka roka trajanja koji je naveden iza oznake „Rok trajanja” na kutiji i etiketi. Rok trajanja se odnosi na posljednji dan tog mjeseca.

Nakon otvaranja bočice, sadržaj iskoristite unutar 4 sedmice.

Lijekovi se ne smiju bacati u otpadne vode ili kanalizaciju. O najboljem načinu odlaganja ovog lijeka kada vam više nije potreban, upitajte svog farmaceuta. Ovim mjerama pomažete u zaštiti okoliša.

6. Sadržaj pakiranja i dodatne informacije

Šta sadrži BRONCHOSTOP sine sirup protiv kašlja

Aktivne supstance su:

15 ml (=15,45g) sirupa sadrži:

0,12 g suhog ekstrakta herbe (zeleni) timjana (*Thymus vulgaris L.* ili *Thymus zygis L. herba* (zelen timjana)), omjer ekstrakt-lijek = 7 : 13 : 1; rastvarač za ekstrakciju: voda

0,83 g tečnog ekstrakta korjena bijelog šljeza (*Althaeae officinalis L. radix*) (omjer ekstrakt-lijek = 1 : 13; rastvarač za ekstrakciju: voda)

Ostali sastojci su:

metil-4-hidroksibenzoat (E 218), propil-4-hidroksibenzoat (E 216), koncentrovani sok maline (koji sadrži saharozu, glukozu i fruktozu), aroma maline (sadrži propilen glikol (E1520)), ksantan guma, limunska kiselina monohidrat (E 330), maltodekstrin, arapska guma, glicerol (E422), saharin natrij (E954), neohesperidin-dihidrokalikon, voda, pročišćena.

Kako BRONCHOSTOP Sine sirup protiv kašlja izgleda i sadržaj pakovanja

BRONCHOSTOP sine sirup protiv kašlja je smeđecrvena, viskozna otopina za oralnu primjenu, sa mirisom i okusom timijanove herbe i malina.

Puni se u smeđe staklene bočice sa čepom na zavrtnje, zapremine 120 ml. Priložena dozirna čašica sa skalom od 2,5 ml do 20 ml, olakšava precizno mjerenje preporučene doze.

Režim izdavanja

Lijek se izdaje bez ljekarskog recepta.

Proizvođač (administrativno sjedište i mjesto puštanja lijeka u promet)

Kwizda Pharma GmbH
Effingergasse 21
A-1160 Beč
Austrija

Nosilac dozvole za stavljanje lijeka u promet

Viennapharm d.o.o
Jezero 3
71000 Sarajevo
Bosna i Hercegovina

Broj i datum rješenja za stavljanje lijeka u promet

04-07.3-2-2981/21 od 09.11.2021.god.

Ovo uputstvo zadnji put je revidirano u

Maju 2024.god.